

Tuzla, 15.04.2009. godine

POZIVNICA

Prezentacija i diskusija

„Uloga poduzetništva u razvoju Tuzlanskog kantona i značaj poduzetništva u prevazilaženju ekonomske krize“

Multimedijalna sala Univerziteta u Tuzli (zgrada Gimnazije „Meša Selimović“)
17. april 2009. godine u 11.00 h

Poštovani,

u povodu Svjetskog dana poduzetništva (World Entrepreneurship Day) Univerzitet u Tuzli, Business Start Up Centar Univerziteta u Tuzli i Centar za razvoj poduzetništva Tuzla organizuju prezentaciju i diskusiju na temu „**Uloga poduzetništva u razvoju Tuzlanskog kantona i značaj poduzetništva u prevazilaženju ekonomske krize**“. Prezentacija će se održati **17.04.2009. godine u Multimedijalnoj Sali Univerziteta u Tuzli (zgrada Gimnazije „Meša Selimović“ sa početkom u 11.00 h.**

Prisutnima će se obratiti Rektor Univerziteta u Tuzli, dr.sc. Džemo Tufekčić red.prof., Premijer Vlade Tuzlanskog kantona gđin Enes Mujić, dr.sc. Bahrija Umihanić, vanredni profesor na Ekonomskom fakultetu Univerziteta u Tuzli i predsjednik Centra za razvoj poduzetništva Tuzla, te predstavnici Business Start Up Centra Univerziteta u Tuzli. Prezentaciji će prisustvovati i studenti, polaznici edukacije Business Start up Centra Univerziteta u Tuzli, uspješni poduzetnici, konsultanti, profesori, te zainteresirana javnost.

Svjetski dan poduzetništva je inicijativa pokrenuta sa ciljem promicanja poduzetništva širom svijeta. Poduzetništvo je danas glavni generator razvoja i zapošljavanja u većini nacionalnih ekonomija, stoga je i cilj organizovanja prezentacije i diskusije ukazati na ulogu poduzetništva za razvoj Tuzlanskog kantona i značaj poduzetništva u prevazilaženju trenutne ekonomske krize koja pogađa cijeli svijet. Ovim događajem nastoji se podstaknuti poduzetnički optimizam i podsjetiti da su poduzetnici ti koji konstantno vode uništene privrede u prosperitet i rast kroz inovacije i stvaranje novih radnih mjesta.

Uz ovaj poziv dostavljamo i Program obilježavanja Svjetskog dana poduzetništva.

Pozivamo Vas da se priključite obilježavanju Svjetskog dana poduzetništva, posjetite ovaj događaj i na taj način pružite podršku Univerzitetu u Tuzli, Business Start-Up Centru Univerziteta u Tuzli i Centru za razvoj poduzetništva u promicanju poduzetništva na području Tuzlanskog kantona.

Za više informacija možete kontaktirati gđu Sanju Hajdukov, šeficu kabineta Rektora Univerziteta u Tuzli (035 300 510) ili gđicu Mirelu Arifović, koordinatoricu Centra za razvoj poduzetništva Tuzla (061 301 021)

S poštovanjem,
